

5. L'ayalga del Pozu l'Oru

- Llugar: Samiguel, GRAU.
- Narradora: María Nieves Alonso Álvarez, unos 65 años (2000).
- Recopilador : Ambás.

María]: —El día que fui a la primera comunión you comí dos bocadillos, nu[n] me da más dicilu que non, ya la *mi* hermana nun comú nada, foi n'ayunas... foi n'ayunas, ya *eran* las tres de la tarde ya you yá tenía fami, ya ella desmayóuse de fami, ya púnxime you:

—¡Anda, si hubieras comíu, tontona! ¡Vaya un casu que faes... faigo you de lu que dicen! ¡Me cago en *mi* almacén, lu que comes no[n] estoza a naide!

[Encuestador]: —Ia verdá.

[María]: —¿Nun ia verdá?

[Encuestador]: —Ia verdá.

[María]: —¡Ya pa qué mandan a unu!

[Encuestador]: —Claro.

[María]: —Ia asina.

[Encuestador]: —Asina ia.

[María]: —Ia asina. Antes, de las doce n'adelanti nun comía naide, dixi you: «Me cago en *mi* almacén, ¡ir pasear!».

[Encuestador]: —¿Ya cómo foi aquella ayalga qu'había nuna cuova...?

[María]: —¡Ai!, ¿la del oru?

[Encuestador]: —L'ayalga'l ouru aquella que foi tou pai ya baixóute a la cuova ya visti aquel oru ya los santos... ya'l tesouru aquel...

[María]: —Verás, verás, verás, eso fue verdá, ¡eh!, verás, yo taba curiando las uveas, ya you faltábame una, ya era la *mejor*, la *mejor* curdera *era* la que me faltaba, dixi yo:

—¡Ah, miou pá!

—¡Oi!, yo era bien tontona, ¡eh!, que nu[n] me moví del situu... ¡me cago en *mi* alma!

Ya diz él:

—¡Nun te muovas d'ehí!

Digo:

—¡Tou oyéndola, pero nu[n] la veo!

Asina. Ya diz él:

—¡Nun te muovas d'ehí!

Véolu venir col cordel... col cordel ya'l candil de carburu, ya traía el cordel del carru ya la baroma, ¡eh!, mira lu abaxo que... insertóu los dos, ¡eh! Él sabía au taba. Ya *bajo*, primeru atóume pola cintura, diz él:

—Gárrate al cordel.

Ya baxéi perhí p'abaxo, pero namás poneme yo a baxar por ahí p'abaxo... empicipió a esbastiar ya nun llovía namás que ou taba él...

[Encuestador]: —Llovía namás que por de riba la cabeza d'él...

[María]: —Pola cabeza d'él caían piedras ya llovía, ¿oísti?, en otros sitios nada.

[Encuestador]: —Namás que na cabeza d'él... él taba fuera...

[María]: ¿Nun ves qu'él tenía... tenía muchos... aquellos... asina?, quitó-y el pelu ya todú eso.

[Encuestador]: —Sí, de la marca d'aquello.

[María]: —D'aquello.

[Encuestador]: —Qu'era como una maldición... ¿qué era aquello?

[María]: —Aquello *era* como si fuera una maldición... como si fuera una maldición... por tirame a mí...

[Encuestador]: —Na cueva... ¿ya cómo-y llaman la cueva?

[María]: —El Pozu l'Oru.

[Encuestador]: —¿El Pozu l'Oru-y llaman? ¿Ya óu ta? ¿Cómo-y llaman el sitiu?

[María]: —Ia d'arriba de... d'arriba casa, allí p'arriba...

[Encuestador]: —¿D'arriba'l Mortoriu?

[María]: —Sí, ta bien cerca, fuonon muchos allá por vela, pero nu[n] la ven...

[Encuestador]: —Nun dan con ella.

[María]: —¿Cómo van dar si puxémos-y una peñona?

[Encuestador]: —Tapásteisla vosotros.

[María]: —Sí.

[Encuestador]: —¿Ya qué había allí embaixo na cueva?

[María]: —¿Na cueva? Hai un cura, una moza ya un mozu, pero son de... ia oru, ¿sabes?, eso ia oru, ya epués había... ¡mira!, nun fici namás que garrar un muñiquín... garréi un muñiquín... sólo, ¡eh!, qu'había muchos, ¡eh!

[Encuestador]: —¿De ouru?

[María]: —Era oru, ya you garréi aquel muñiquín... you venía col muñiquín... cuando garréi'l muñiquín diz él:

—¡Tu algo garrasti d'ehí, eh!

[Encuestador]: —Díxolu tou pá.

[María]: —Sí, diz él: «¡Por Dios, qu'aquí me muoro!»

[Encuestador]: —Porque empezóu a granizar arriba la cabeza d'él...

[María]: —Sí, piedras... oyes, ya cuando me sacó a mí tovía taban allí las piedras, ya dixi yo:

—¡Ah, miou pá!, ¡tabas bien maldicíu, eh!, ¡yo toi santa, eh!, ¡yo toi santa, ahora que tu tas maldicíu!



5. *L'ayalga del Pozu l'Oru*
MARÍA NIEVES ALONSO ÁLVAREZ
Samiguel, GRAU

Semeya: Ambás.

